

COMUN: I ofizi de comun é stluc le lönesc ai 24/12 y le lönesc ai 31/12.

L'implant de reziclaie Alfur tēgn stlüt en Nadé y en Nanü; porchel gnaral tigní davert en jöbia, ai 27 de dezēmbēr, y en dedemesaledema, ai 2 de jená.

La racoiüda dl refodam biologich gnará fata regularmēter le dedolönesc, ince en Nadé y en Nanü.

PLOANIES SAN MARTIN Y LUNGIARÜ

Assistēnt/a pastoral/a: L'Unité Pastoral chir na porsona che toless sö l'inciaria da assistēnt/a pastoral/a ales condiziuns preodüdes dala diozeja. Porsones che á n stüde teologich y ess interes é periades da contaté siur Degan a Badia – tel 347 90 94 532 o email: parrocchiabadia@libero.it

L'ofize dl Sorvisc ai Jogn y i locai di jogn sará stluc dai 24 de dezēmbēr ai 4 de jená. Le Zēnter dla jonēza a La lla restará davert. I colauradus dl SaJ adöm cun so consēi ti aoda a düc n bel Nadé y n bun Ann Nü 2019.

SAN MARTIN

Al vēgn partí fora en chisc dis zetoles da lité le consēi nü dla Uniun di Ēi, ch'i periun da dé jö tla lada apé de dljia sabeda y domēnia ai 5/6 y 12/13 de jená.

En domēnia, 30/12, organisēia la Uniun Sport San Martin y l'Aziēnda dl turism la flacolada y la festa dla fin dl ann che mēt man dales 20.30 sōn plaza dl paiun. Chi che ó é bel invia da tó pert ala flacolada da Tor jö; al sará dales 21.00 n sorvisc de trasport che mēna sōn Tor chi che ó tó pert."

LUNGIARÜ

I rengraziun düc chi che á daidé y porté pro a val' manira da tigní alalt la bela festa de nosta patrona Santa Lizia. Dilan y Idí s'al paies! *Le Consēi de Cōra*

Le Cor de Dljia rengraziēia düc chi che á porté pro al bun garaté dl marcé de Santa Lizia, sides chi che á porté co chi che á cumpré val'. Dilan!

I Sorvidus ves invieia do Madovines da se tó cun os te ostes ciasas la löm che vēgn diretamēter dala ciasa nadé de Gejü. Vignun dess porchel se tó do na ciandēra (te na linterna). I Sorvidus ti aoda a düc de beles festes dēr sintides.

Le KVV Lungiarü mēt a jí n curs „pilates“ cun Marta Willeit por mioré la postōra dl corp y renforzé i muscui, vigni mertesc dai 8 de jená inant dales 20.00 ales 21.00 tla palestra dla scora – iscriziuns 0474 590 088.

La Uniun dl Sport da Lungiarü tēgn n curs da jí cun la liösa por mituns tratan les vacanzas da Nadé. An pó ince s'impresté fora la liösa y i cialzá da arforé. I s'incuntun le pröm iade ai 30 de dezēmbēr dales 10.00 ite dala pista dla liösa Do Juvel. Iscriziuns y info pro Matteo 339 20 89 342 cina ai 27 de dezēmbēr.

Sēgn online - program dles ativités dla Ciasa de Palsa: al vēgn lascé al savēi ales porsones interessades che le program dles ativités che vēgn fates tla Ciasa de Palsa é da ciagé sōn la plata internet www.ciasadepalsa.it

Conzert da Nadé en San Stefo (26/12) dales 20.00 tla dljia da La Val cun la Musiga da La Val, Cuintet de stromēnc a fle, Soatnmusig y Alphornbläser.

Por la Cronica Sas dla Crusc 2018 ciarede do tl'ultima plata.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

23.12. – 30.12.18 nr. 4

ultimo termo por comunicaziuns: jöbia dales 20.00
radio: 90,40 / 93,70

CUARTA DOMÈNIA D'ADVÈNT – Ann C

Vangele do Lüca 1.39

En chi dis s'á Maria metü sōn tru
y é jüda debota te na cité tles munts dla Iudea.
Ara é jüda tla cíasa de Zacaria y á saludé Elisabeta.
Canche Elisabeta á aldí le salüt de Maria,
á le môt busié te so gremo.
Dailò é Elisabeta gnüda implida dal Spirit Sant
y á tlamé cun usc sterscia:
Benedida este tö danter les ères,
y benedì é le früt de to corp.



Depenjëdeles os, spo é döt da corü!

Le vangele de chēsta quarta domēnia d'Advēnt é la storia dl'incuntada de döes porsones, Maria y Elisabeta. Te chēsta incuntada sinteres val' deplü, ares sint la vijinanza de Dî y l'ademplimēnt de süa impormetüda dla salvēza. Porsones che l'á cun Gejü s'incunta te na manira nöia. I cristians che s'incunta vëiga tles porsones ch'ai ürtá val' deplü.

NADÉ DL SIGNUR

Vangele do Jan 1.1-18

Tl pröm êl la Parora,
y la Parora ê pro Idí,
y la Parora ê Idí.
Tl pröm êra pro Idí.
Döt é diventé tres la Parora,
y zēnza la Parora
n'él diventé nia de ci che é diventé.
Te era êl la vita,
y la vita é la löm dla jënt.
Y la löm lomina tla scurité,
y la scurité ne l'á nia tuta sö.



Ales parores de Chêl Bel Dî ti vá do sües opres. La Parora vëgn cern. Al é Nadé! I ne stun nia n pez a chirí d'atres parores, i se dijun madër un al ater: Al é Nadé!

	SAN MARTIN	LUNGIARÛ	
23.12.18 4^a Domënia d'Advënt - C	9.00 Corona 9.30 Gran Mëssa dla comunité Rorate di Jogn cianté dai Jogn Rorate cun i mituns dla Confermaziun	7.55 Corona 8.15 Gran Mëssa dla comunité	 1. Pice bambin te na stala gnü adalerch jö dal cil, scincunda d'amur propi grana fata dal Pere tl cil. <i>Dorm, bel saurí pro tüa uma, somiëia y palsa contënt, che stá pro te prossa y buna, fedela cina al ultim momënt.</i> 2. Alda, oh môt, nostes cianties plënes de lalt y dilan; te toles sön te nostes gaujes y te nes salves dal mal. <i>Dorm, bel saurí</i> 3. Löm te chësc monn tan gloriosa che te tlarësces le tru, che fora dl scür lominosa leest' sô, tö bel viadü. <i>Dorm, bel saurí</i>
24.12.18 Lönesc VËIA DE NADÉ <i>Adam y Eva</i>	23.00 Madovines por la comunité en recort de siur Heinrich Videsott	20.30 <i>Introduziun musicala</i> <i>cun en grup de stromënc a fle dla Musiga,</i> <i>n grup de Èi y n grup de Ères dl Cor</i> 21.00 Madovines por la comunité en recort de siur Heinrich Videsott + Vito Clara	
25.12.18 Dedolönesc NADÉ DL SIGNUR NATALE CHRISTTAG	10.00 Mëssa solëna dla comunité 18.00 Öspi da Nadé	8.30 Mëssa solëna dla comunité 14.30 Öspi da Nadé	
26.12.18 Dedemesaledema SAN STEFO , <i>Stefania</i>	9.00 Corona 9.30 Gran Mëssa dla comunité ++ Maria y Giovanni Vanzi + Davide Costalunga	7.55 Corona 8.15 Gran mëssa dl ann + Anastasia Schanung dl ann + Angela Clara + + + Anna Chiusura, Pire y Daniele Pezzei	
27.12.18 Jöbia <i>Jan apostul y vangelist</i>	7.30 Mëssa cun benedisciun dl vin de San Jan + Erna Frenner + Angel Ploner Corona por Vocaziuns		
28.12.18 Vëndres – De Fantú	18.30 Adoraziun chîta 19.00 Adoraziun deboriada	8.00 Mëssa + Albina Clara + + Dejaco	
29.12.18 Sabeda <i>Davide, Tomesc Becket, Tamar</i>	15.30 Mëssa tla Ciasa de Palsa 18.30 Mëssa prefestia + Giovanni Flöss y ++ Pedevilla, Ju	20.00 Mëssa prefestia de rengraz. de fam. Martin Clara + Giovanni Costa + + de Sepl y Maria Clara, Sanví	
30.12.18 SANTA FAMILIA - C	9.00 Corona 9.30 Gran Mëssa dla comunité	7.55 Corona 8.15 Gran Mëssa dla comunité	
 I Consëis de Cöra da San Martin y da Lungiarü ti aoda a siur Iaco - a inom dla comunité - n Nadé plëgn de ligrëza y de pesc. N dilan sintí y reconescënza por döt ci ch'al fej por la vita religiosa dles döes ploanies. N Nadé de pesc y benedisciun a dōta la comunité di dui paisc!			